



Bi urte gartzelan pasa ondoren, akats judizial batengatik atera zen. Gaur lagun askoren apoioa izango du Terra Lliureko partaideen beste epaiketetan bezalaxe.

PUNT DIARI

Bascompte: «Nire etorkizuna Frantzia eta Espainia arteko beste negozio bat da»

Gaur erantzungo die Montpellierreko Tribunalak Espainiak egindako estradizio eskaerei

Pere Bascompte orain dela bederatzia urte atxilotu zuten Federico Jimenez Santos zauritzeagatik. Bascompte atentatuaren egile eta Terra Lliureko partaide deklaratu zen. Akats judizial bat medio irten zen gartzelatik. Gaur aztertuko ditu Montpellierreko Tribunalak, Gobernu espainiarrak eskatutako bi estradizio eskaerak. Elkarrizketa katalanez egitea posible den galdetu digu, baina gaztelaniaz egin behar izan dugu.

JOXEMI SAIZAR / DONOSTIA

EGUNKARIA.— Zein uste duzu izango dela Montpellierreko Tribunalaren epaia?

BASCOMPTE.— Tribunalera deitu naute eta nire abokatuekin joango naiz. Erabakia politikoa izango dela iruditzen zait, ez juridikoa. Dena dela ondoren Estatu frantziarrak baieztatu beharko du Tribunalaren epaia. Kriterio politikoak bakarrik erabili-ko direla jakingo banu; oso baikorra izango nintzateke, epaileek ezezko borobila emango luketelako. Moral-ki oso ondo nago, baina gero eta eszeptikoagoa naiz. Berririo eskatu dute nere estradizioa. Berririo eseri beharko dut akusatuen aulkian. Askotan izana naiz jadanik tribunale-tan.

EGUNKARIA.— Manresa zure herri-tik, Valenciatik eta Barcelonatik autobusak osatu dira jendea zure ondoan egon ahal izateko.

BASCOMPTE.— Bai jende asko etorriko da, lagunak gehienbat. Hemen-dik, Perpinyatik ere jendea joango da Montpellierrera.

EGUNKARIA.— Igandean zure aldeko manifestaldi bat izan zen Barcelonan. Zurekin dago jende asko.

BASCOMPTE.— Nerekin baino, nik defendatzen ditudan ideiekin. Talde independentista guztiek deitu zuten

manifestaldira.

EGUNKARIA.— Kataluniako Parla-mentuan ere tratatu da zure gaia. IC, ERC, PCC eta ECKo diputatuak zu-rekin izango dira. Bi urte gartzelan eta beste zazpi exilioan pasa ondoren zigorra ondotox bete duzula uste du-te alderdiek. Zer iruditzen zaizkizu apoio guzti hauek?

BASCOMPTE.— Oso garrantzitsuak noski. Kataluniaren independen-tziaren alde egiten den guztia ondo iruditzen zait. Nere kasuaren atzetik gobernuaren obsesioa fanatikoa dela ikusten dute alderdi batzuk eta, agian etika humanitario edo demokratiko batez, eskubide juridikoen gainetik pasatzen ari direla ere bai.


EGUNKARIA.— Zer iritzi duzu Terra Lliure erakunde armatuaren gaurko egoeraz?

BASCOMPTE.— Nahiago dut gai horretaz ez hitzegi. Ipar Kataluniara etorri nintzenetik, gartzelatik atera ondoren, ez naiz Terra Lliureren partaide. Kultura katalana eta inde-pendentsiaren alde lan egiten dut eta Catalunya Lliurerekin identifikatzen naiz.

EGUNKARIA.— Zure aurka dauden bi estradizio eskaeretatik bat Federico Jimenez Santos -1981ean katala-neraren aurka «Manifest dels 2.300» sinatu zuenetako bat- zauritzeagatik da. Gaur egun hizkuntzaren egoera hobetu dela uste al duzu? Ekintza armatu hauetaz zer iritzi duzu orain, 9 urte pasa ondoren?

BASCOMPTE.— Hizkuntzaren ego-er hobetuz doa, baina oraindik asko falta da normalizazioraino iristeko. Bestalde herri inbaditu bat gara eta, nahiz eta pazifista izan, horren alde-ko ekintza guztiak justifikatzen ditut. Garai jakin batean egin nuena erre-flexio politiko baten ondorioa izan zen. Kataluniarentzat beharrezkoa, zuzena eta profitagarria izan zen.

EGUNKARIA.— Kataluniako egungo politika eta bizitza kulturala jarrai-tuko duzula pentsatzen dut. Egia al da MDT barnetik 50 kide inguru ate-ra eta ERCra pasa direla bide parla-mentarioa egokiagoa iruditzen



Terra Lliure utzi du, baina herri zanpatuen biolentziaren alde dago. PUNT DIARI

zaielako?

BASCOMPTE.— Lagunen bitartez eta beti saiatzen naiz eguneratzen, baina aipatzen duzun MDTren zatiketa ho-

rretaz ez dut ezer entzun. Lehen esan bezala ni Catalunya Lliurerekin identifikatzen naiz eta ez dut horren berririk.

Euskal Herria eta Europa

Pesilla de la Ribera herriskan, Perpinyatik bi kilome-trotara, bizi da, 'pages' bezala lan eginez. Pazifista de-klaratzan da. Gustora hartuko luke Gobernu espainiarrak Kataluniarekin duen gatazka pakean konponduko balitz. «Autodeterminazioa bide pazifikotik eskuratzeko esku-bidea ukatzen denean, beste borroka bide batzuk erabali behar dira». Herri zanpatuek indarkeria erabiltzeko es-kubidea erreibindikatzan du. Agintari frantziarrek espai-niarrek egindako estradizio eskaera ez emateko ari da borrokatzen. Gaur hartuko du erabakia Montpellierreko Tribunalak.

«Carabanchelen egin nituen bi urteetan euskal presoe-kin tratatzeko aukera izan nuen eta beraien bitartez dakit

gure problematika bera duzuela» aitortzen du Bascomp-te. Bere ustez Katalunia eta Euskadi estatu baten menpe daude, «beraien independentzi nahiak asetu ezinik». Ge-ro, prozesu desberdinak jasan dituzte, baina sakoneko arazoa bera dela. «Euskadiko askapen mugimenduaren alde nago erabat».

Akta Bakarraren ondoren 1992tik aurrerako Europa berri horretan, Katalunia eta Euskal Herria bezalako na-zionalitateen etorkizunaz bere iritzia jasotzeko aprobe-txatu dugu elkarrizketa. «Oso gaizki iruditzen zait, He-rrien Europa ez delako izango. Estatuak osatuko dute eta alde horretatik gu egoera berdinean edo okerragoan gel-dituko gara».

— Errefuxiatu bizitza —

Beste errefuxiatu guztiek egiten dutena egiten du. Hilean behin erre-sidentzia baimena berriro behar du, eta ez du eskubiderik ez gidatzeko karneta izateko, ez seguritate soziala izateko, ez lan egiteko edo estudia-tzeko eta ezta ongintza aprobetxa-tzeko ere. Nekazari lana egiten du egoera ilegalean Pesilla de la Ribera herriskan eta udal boletinean ere ko-laboratzen du. Batzuetan poliziaren presentzia nabaritzen du bere ingu-ran, baina jada ez dio garrantzi han-dirik ematen. «Okerrena da nere la-gunen eta bisitatza etortzen zaiz-kidan guztien kotxeen matrikulak apuntatzen dituztela».

Manresara itzultzeko itxaropenik ez du. «Gustatuko litzaide, lagu-nekin ibili, Barcelona ez dut aspal-dian ikusi, edozein errefuxiatuk nahiko lukeen bizimodu normala egin, baina oso zaila iruditzen zait aske etxera itzultzea». Erreintsertzio sozialarekin ez dago ados, amnistia lortuz edo zigorra bukatzen denean itzuliko dela uste du. «Ez nere ideiak baztertzeagatik edo okupazio espai-niarra onartzeagatik Katalunian. Bi-de normalak ixten direnean, herri baten subiranotasuna onartzen ez de-nean, marko konstituzionalak balio ez duenean eta legezkoa ez denean, beste medio batzuk erabili behar di-ra».